



Mohammad Shatar bersama calon yang menang pada sesi pengumuman Pemilihan Majlis Perwakilan Pelajar UPM 2015 di Serdang, semalam.

[FOTO ADI SAFRI/BH]

Pro-A menang 33 kerusi kepemimpinan MPP UPM

Serdang: Kumpulan Pro-Aspirasi (Pro-A) terus mendominasi kepemimpinan Majlis Perwakilan Pelajar (MPP) Universiti Putra Malaysia (UPM) apabila memenangi 33 daripada 45 kerusi dipertandingkan pada pemilihan sesi 2015/2016, semalam.

Kumpulan itu memenangi sembilan daripada 11 kerusi umum dan 24 daripada 34 kerusi fakulti dipertandingkan dalam proses pemilihan membabitkan sejumlah 99 calon.

Keputusan itu sekali gus menyaksikan kumpulan Pro-Ma-

asiswa (Pro-M) sekadar berpuas hati dengan kemenangan 11 kerusi, manakala calon Bebas meraih satu kerusi.

Bilangan pengundi memuaskan

Timbalan Naib Canselor (Hal Ehwal Pelajar dan Alumni) UPM, Prof Datuk Dr Mohammad Shatar Sabran, berkata kadar bilangan pelajar mengundi adalah memuaskan, iaitu 76 peratus daripada keseluruhan 24,000 yang layak.

“Jumlah pelajar mengundi meningkat berbanding 74 pe-

ratus tahun lalu, malah kali ini agak luar biasa kerana mereka menunaikan tanggungjawab itu sejak awal pagi di enam lokasi, termasuk Kampus UPM di Bintulu, Sarawak.

“Bagaimanapun, tempoh pengundian yang sepatutnya berakhir jam 4 petang dilanjutkan hingga 4.30 petang kerana hujan lebat.

“Alhamdulillah, sesi kemen dan proses pemilihan MPP UPM berjalan lancar serta aman tanpa dicemari sebarang insiden membuktikan akhlak pelajar universiti ini

terjaga,” katanya.

Sokong usaha UPM

Mohammad Shatar berkata, calon yang menang diharap mengetepikan perbezaan pendapat masing-masing, sekali gus menyokong bersama usaha pengurusan UPM menjadikan seluruh warga universiti itu cemerlang dalam akademik dan sahsiah.

Beliau berkata, sesi bantahan terhadap keputusan tidak rasmi itu dibuka hari ini, manakala keputusan bantahan dan sesi rayuan terhadap keputusan bantahan akan diadakan esok sebelum keputusan rayuan dimaklumkan pada 4 Oktober ini.

“Keputusan pemilihan MPP UPM 2015/2016 akan diisytiharkan secara rasmi pada papan notis fakulti dan kolej pada 5 Oktober ini,” katanya.